

Home > Semasa > CyberDSA: Keselamatan siber adalah teras pertahanan negara, bukan sampingan - Adly Zahari

SEMASA

CyberDSA: Keselamatan siber adalah teras pertahanan negara, bukan sampingan - Adly Zahari

by Zulfadhli Azmie | 2 Oktober 2025 | A+A-

0 comments | 0 f X @



FOTO: ZUL FADHLI AIR TIMES

KUALA LUMPUR, 2 Okt - Timbalan Menteri Pertahanan, Adly Zahari menegaskan bahawa keselamatan siber kini menjadi teras penting pertahanan negara dan tidak lagi boleh dianggap sebagai isu sampingan.

Beliau berkata demikian ketika menyempurnakan majlis penutupan Pameran dan Persidangan Cyber Digital Services, Defence and Security Asia (CyberDSA) 2025 di Pusat Perdagangan dan Pameran Antarabangsa Malaysia (MITEC) di ibu negara hari ini.

Dalam ucapannya, Adly menegaskan bahawa ancaman siber yang semakin sofistikated menuntut pendekatan proaktif daripada semua pihak.

Beliau merujuk kepada insiden serangan ransomware yang melibatkan Malaysia Airports Holdings baru-baru ini sebagai peringatan jelas bahawa sebarang kelemahan sistem kritikal mampu memberi kesan besar kepada keselamatan negara, kestabilan ekonomi dan keyakinan rakyat.

"Kita tidak boleh hanya bertindak secara reaktif. Malaysia mesti mempunyai strategi yang jelas untuk mendepani ancaman ini secara proaktif. Keselamatan siber bukan sekadar isu teknikal tetapi sebahagian daripada benteng pertahanan nasional," katanya.

Adly turut mendedahkan bahawa Kementerian Pertahanan sedang menilai penubuhan sebuah pasukan khas dikenali sebagai Cyber Force yang berperanan mengesan, menangkis dan menumpaskan ancaman siber sebelum ia meningkat ke tahap lebih berbahaya. Usaha ini selari dengan dasar pertahanan yang digariskan dalam Kertas Putih Pertahanan dan akan dilaksanakan melalui kerjasama erat dengan agensi keselamatan serta risikan sedia ada.

Selain berbincangan dasar dan polisi, CyberDSA 2025 turut diserikan dengan pelbagai program interaktif termasuk pertandingan Siber Siaga Capture the Flag (CTF) dan Kejohanan Esukan Generasi Angkatan Masa Hadapan (GEN ATM Esports Cup).

SEARCH

Type and hit enter...



KATEGORI

- > Barisan Nasional (423)
- > Diskusi (335)
- > Ekonomi (51)
- > Global (2,069)
- > Pakatan Harapan (445)
- > PAS /PPBM / LAIN (260)
- > Pertahanan dan Keselamatan (5,135)
- > Politik (783)
- > Sejarah (26)





Seiring dengan kejayaan edisi kali ini, CyberDSA dijangka akan kembali pada 5 hingga 7 Oktober 2026 di MITEC dengan skala lebih besar dan agenda lebih menyeluruh.

Adly turut yakin pameran itu akan terus menjadi pemangkin kepada inovasi, kerjasama strategik dan pembangunan ekosistem siber serantau.

“Resiliensi bukanlah satu pencapaian sekali sahaja, ia adalah perjalanan berterusan. Seperti analogi keselamatan siber, kita perlu sentiasa menampal kelemahan, membaiki sistem dan meningkatkan keupayaan untuk kembali lebih kuat,” katanya mengakhiri ucapan.

CyberDSA 2025 membuktikan ancaman siber tidak mengenal sempadan, sekali gus menjadi platform penting memperkukuh keyakinan digital, kerjasama antarabangsa dan kesiapsiagaan pertahanan negara. –

Pameran selama tiga hari itu menghimpunkan lebih 8,000 pengunjung daripada 46 negara dengan penyertaan 160 syarikat pempamer dari 19 buah negara.

Kehadiran ini sekali gus menjadikan CyberDSA sebagai salah satu platform utama rantau Asia dalam membincangkan isu keselamatan siber, pertahanan digital dan cabaran baharu dunia maya yang semakin kompleks.-airtimes.my

#AirTimesNewsNetwork #Semasa #CyberDSA2025 #PertahananSiber #ATM #MINDEF #CyberSecurity



ZULFADHLI AZMIE

RELATED ARTICLES




Eksesais Aman Youyi 2025:Latihan ketenteraan Malaysia-China bermula pertengahan...

13 Oktober 2025



Taiwan akan bangunkan sistem pertahanan udara 'T-Dome' hadapi...


10 Oktober 2025




PBB umum pelan 60 hari bantu Gaza, 170...

10 Oktober 2025

LEAVE A REPLY




BERITA POPULAR



1

Rakyat Malaysia terkorban sebagai askar upahan dalam konflik Ukraine-Rusia?


29 Oktober 2024



2

Pangkalan Udara Sendayan sudah siap, boleh digunakan sepenuhnya - MB Negeri Sembilan

11 Mac 2018




3

Jangan pakai seragam tentera, PATRIOT nasihat Mat Sabu

3 Jun 2018

PERTAHANAN DAN KESELAMATAN



Aset Maritim Malaysia, isu dadah dan judi atas talian antara tumpuan Parlimen hari ini

13 Oktober 2025



Norshafina wanita pertama dinobatkan Perajurit Muda Terbaik TUDM

11 Oktober 2025



China, Malaysia akan adakan latihan ketenteraan bersama "Peace and Friendship 2025"

10 Oktober 2025

